

կած էին ներքին գործոց նախարարութեան գիւանում, ուղարկուեցան արտասահմանի թեմերին:

Օքսֆորդում գումարուած կրօնների միջազգային կոնգրեսը գիւմել էր Մ. Աթոռի հոգեւոր ձեմարանի վարչութեան և խնդրել իւր ներկայացուցիչը ուղարկել մասնակցելու ժողովին: Մանկավարժական ժողովը միաձայն ընտրել էր այդ նպատակի համար աստուածաբանութեան դասատու Տ. Երուանդ վարդապետին: Բայց վերջինս Մ. Աթոռի նիւթական սղութեան պատճառով չկարողանալով իրաւունք ստանալ Տ. Տեղակալից, «եպտ. 1-ին հեռագրով շնորհաւորեց ժողովի բացումը»:



ՆԱՄԱԿ ԽՄԲԱԳՐՈՒԹԵԱՆ

Խնդրում եմ յարգելի խմբագրութեանդ տեղ տալ սոյն երկտողիս «Արարատ»ի առաջինկայ համարում:

Պարբերական մամուլում յաճախ լոյս են տեսնում լուրեր, թէ կաթուղիկոսական պատգամաւորների ընտրութիւնների ծանուցողական հրովարտակները դեռ չեն ստացուել արտասահմանեան հայ թեմերում, և դորանում մեղադրում են Ամենապատիւ Տեղակալին, Էջմիածնի Սինոդին և Միաբանութեանը:

Սինոդի յանձնարարութեամբ քաղում եմ գործից և յայտնում եմ ի գիտութիւն ընթերցողների հետեւեալ պաշտօնական տեղեկութիւնները, որոնք պարզելու են հրովարտակների մինչև այժմ չստանալու պատճառը արտասահմանեան հայ թեմերում:

Պօլսթէնեայի 1119 և 1120 յօդ. համաձայն պատրաստելով և տպագրել տալով ի Տէր հանգուցեալ Մկրտիչ I կաթուղիկոսի մահուան մասին և նոր կաթուղիկոսի ընտրութեան մասին ծանուցողական հրովարտակներ, Սինոդը ուղարկում է ռուսահայ թեմերի Առաջնորդների

անունով ուղղած հրովարտականքը անմիջապէս իրենց՝ անցեալ տարուայ դեկտեմբերի 8-ին, իսկ այն հրովարտականքը, որոնք ուղղած էին արտասահմանի հայոց թեմերին, Սինոդը ուղարկում է առանձին ցուցակով և գրութեամբ նոյն դեկտեմբերի 10-ին Կովկասի փոխարքայի Դիւանատունը, խնդրելով կարգադրել, որ տաճկահայոց թեմերի հրովարտականքը ուղարկուեն Կ. Պօլսի հայոց Պատրիարքին, յանձնելու ըստ պատկանելոյն, իսկ Ատրպատականի և Պարսկա-Հնդկաստանի թեմերի հրովարտականքը՝ յանձնել թեմերի առաջնորդներին Թեհրանի Ռուսաց Դեսպանութեան միջոցով:

Այդ մասին Սինոդը նոյն թուին առանձին առանձին գրութիւններով անմիջապէս յայտնում է Պօլսի և Երուսաղէմի Պատրիարքներին, Կիլիկիոյ կաթողիկոսին, Աղթամարայ կաթողիկոսական Տեղապահին, Պարսկա-Հնդկաստանի և Ատրպատականի Առաջնորդներին:

Անցնում է մօտաւորապէս 2 ամիս. Սինոդը տեղեկանալով լրագրական լուրերից և Պատրիարքի մի գրութիւնից, որ հրովարտականքը տակաւին չեն ստացուել արտասահմանեան թեմերումը՝ սոյն տարուայ մարտի 5 գրութեամբ խնդրում է Փոխարքայի Դիւանատանը յայտնել՝ թէ ինչ կարգադրութիւն է արուել այդ առթիւ. Դիւանատունը պատասխանում է Սինոդին, թէ հրովարտականքը ուղարուած են Ներքին Գործոց Նախարարին Յունվարի 31-ին № 2685 գրութեամբ: Սինոդը իսկոյն, մարտի 24-ին, № 725 գրութեամբ, խնդրում է Օտար Դաւանութիւնների Հորդեոր գործերի գեղարտամենտին կարգադրել որքան կարելի է շուտով հասցնել հրովարտականքը ում հարկն է և տեղեկութիւն տալ Սինոդին: Մինչ այդ կրկին Պօլսի Պատրիարքը և Ատրպատականի Առաջնորդը գրում են, որ գեւ այդ թղթերը չեն ստացուել. Սինոդը նորից է գրում թուղթ Դեսպարտամենտին, 9 ապրիլի № 958, խնդրելով նորա շուտափոյթ տնօրէնութիւնը, Զատանալով մի կողմից ոչ մի պատասխան Դեսպարտամենտից, իսկ միւս կողմից Պատրիարքի նորանոր

գրութիւններից հաւաստիանալով, որ հրովարտակները դեռ Պետերբուրգում են, Սինօդը նախ հեռագրում է Դեպարտամենտին, մայիսի 19 և Յուլիսի 18, և ապա գիմում է ներքին Գործոց նախարարին մանրամասն գրութեամբ, Յուլիսի 7-ին № 1818, խնդրելով ի նկատի ունենալ ընտրութեան ժամանակի մօտենալը (30 հոկտեմբերի) և կարգադրել, որ հրովարտակները անյապաղ ուղարկուեն ըստ պատկանելոյն, որի մասին և տեղեկութիւն տալ Սինօդին: Զոտանալով պատասխան եւ նախարարից և կամենալով օգտուել Փոխարքայի Պետերբուրգում լինելուց՝ Սինօդը օգոստոսի 6-ին 2019 գրութեամբ միջնորդութիւն է յարուցանում դէպի կոմսը՝ խնդրել նախարարից շտապեցնել հրովարտակների ուղարկելը, այդ իւր գրութեան միտքը Սինօդը կրկնում է հեռագրով Փոխարքայի անուշով այս սեպտեմբերի 3-ին, սակայն մինչև այժմ Սինօդի այդ բոլոր զիմումները մնում են անպատասխան:

Ի Դէպ, ի պատասխան լրագրական այն լուրերի, որ իբր Սինօդը չէ մտածում ուղարկել հրովարտակներ և Եւրոպայի և Ամերիկայի նորահաստատ հայ թեմերը, պէտքէ տեսել, որ իւր ժամանակին, դեռ դեկտեմբերի 7-ին, Սինօդը № 2714 գրութեամբ յայտնում է Փոխարքային՝ թէ այդ երկու թեմը թէև արդարև չկային միւս թեմերի շարքում նախորդ կաթողիկոսական ընդրութիւնների ժամանակ, բայց կազմուած և հաստատուած են ի Տէր հանգուցեալ կաթողիկոսի յատուկ կարգադրութեամբ, իրենց Առաջնորդներով, ուստի և Սինօդը ենթադրում է, թէ պէտք է և նոցա ուղարկել հրովարտակ, այդ պատճառով էլ խնդրում է Փոխարքայից տեղեկացնել՝ թէ չէ տեսնուում որ և է արգելք այդ առթիւ: Սինօդի գրութիւնը Փոխարքան յանձնում է նախարարութեանը, Դեպարտամենտը յունվարի 20-ի գրութեամբ խնդրում է Սինօդից լրացուցիչ տեղեկութիւններ այդ թեմերի շրջանի, հաստատման ժամանակի, ծխականների թուի մասին և այլն, տեղեկութիւնները հաղորդւում են փետրուարի 25-ի № 416 գրութեամբ, իսկ մայիսի 23-ի և Յուլիսի 7-ի

գրութուններով Սինոդը խնդրում է Դեպարտամենտից և Ներքին Գործոց Նախարարից շտապեցնել այս հարցի վճիռը. սակայն Սինոդը և այս առթիւ չէ ստացել մինչև այժմ քաղաքական բարձր իշխանութիւնից որ և է ցուցումն:

Յ. Դ. Հենց այս րոպէիս Ամենապատիւ Տեղակալը ստացաւ Կովկասի Փոխարքայից, Նովոռոմնիկովօ կալուածքից, հեռագիր, որով կոմսը յայտնում է, թէ ծանուցողական հրովարտակները սեպտեմբերի 11-ին ուղարկուեցան Արտաքին գործերի Նախարարին (արտասահմանեան հայ) թեմերը ուղարկելու դեպքանութիւնների միջոցով:

12 սեպտեմբերի 1908 ամի

Ի ս. Էջմիածին:

Էջմիածնի Սինոդի գործաւար Ե. Մուսիկեան:

